



सानसेयारि **“बड’सा”** ख्रीरुलाइयाव
स्माज्यादि जिज्जो लोब्बा थानाय रायथाय, खन्थाय,
स्ल’, स्ल’बाथा आर्रो दावबायादि थावनि, पार्क
बाइदिनि सायाव लिन्नाय लिन्दिबाँ बैथाय ठर/
सानसेयारि **“बड’सा”** ख्रीरुलाइया सेबखानाबै
फोसावगेन/
बड’सायाव लिन्दिन्नायनि हुबा खालाम,
“बड’सा” ख्री नैथो, जौ बयबो आंगो खालाम/
सानसेयारि बड’सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Thursday ★ 19 June, 2025 Kokrajhar, BTC, Assam ★ Vol.-35, Issue No.85 ★ R.N.I.Regd.No.40994/91, Assam Govt. Regd.No.IPRD.40/2006/3, Rs.8/-

फोरेंगिरि आफादआ
फोरेंगिरिफोरखौ अरुनदय
बिथांखिनि खामानिआव
थिसननायव खुद्रिखानाय फोरमायदों
बासुगाव, 18 जुन : गुदि
फरायसालिनि माखासे फोरेंगिरिखौ
अरुनदयनि खामानिआव
थिसननायनि थाखाय काजलगाव
महखुमा गुदि फोरेंगिरि सन्मिलनी
आरो बर’ फोरेंगिरि आफादआ
खुद्रिखानाय फोरमायदों। गांसे
बिबुंसारआव मख’दोंदि, 6 जुन
अक्ट’खालि चिरां जिल्लानि
(□ 6 बिलाइआव)
**हिन्दु सुरक्षा सेना,
आसामआ आमसुखौ होबथा
जानाय फोसावना होनो
दाबि दैखानों**
गुवाहाटी, 18 जुन : दुलाराइ
आसाम माइन’रिटि फरायसा
आफाद, आमसुखौ हिन्दु सुरक्षा
सेना (आसाम)आ आयेनारि नडे
एबा होबथजानाय फोसावना होनो
थाखाय दाबि दैखानों। दिने गांसे
रादाब बिबुंसारनि गेजेरजों दाबिखौ
दैखानानै हिन्दु सुरक्षा सेनानि मिरु
आफादिनि आफादगिरि कान्चन
नाथ आरो मिरु नेहाथारि मितुन
दासमोनआ बुंदोंदि, आसाम
सोमावसारनायनि समआव आसुजों
मोगा-मोगि जाहोनो कंग्रेसआ
(□ 6 बिलाइआव)

राइज्योनि सावस्त्रि बिथिङा मिजिं थिनाय बायदि दावगालांगारिनो दङ : गिबि मन्थि

गिबि मन्थिआ सा 400 फाहामगिरिफोरनो थिसनलाइ गथाइदों

दिसपुर, 18 जुन: गोग्गो आरो
रेंगोथिनि सायाव नोजोर होनानै
थिसनथाइ होनाय राहाखौ गिबि
मन्थि ङ हिमन्त बिश्व शर्माआ
गावनि आंगो साखाथियावनो
लाखिनानै दिनेबो गुवाहाटी
फाहामथाइ फरायसालिमानि
सावराय न’ब्लाडव बान्जायनाय
मोनसे हाबाफारियाव सा 400
गोदानै थिसनजानाय
फाहामगिरिफोरनो थिसनलाइ
बिलाइ रान्नानै हरनायखौ नुनो
(□ 6 बिलाइआव)



दतमानि विनय कुमार ब्रह्मा गथ’सा थुनलाइआव साहित्य अकाडेमि बान्थानि थाखाय साइख’जादों

बर’ थुनलाइ आफादिनि लोगो आफादगिरिआ गाहाम हामलायनाय बाउहरदों

कक्राझार, 18 जुन: दिने
फोसावजानाय साहित्य अकाडेमि
बान्थानि थाखाय गथ’सा थुनलाइ
बान्थानि फारिलाइआव
कक्राझारनि विनय कुमार ब्रह्म
(56) नि मुंखौ साइख’जानाय
(□ 4 बिलाइआव)



ग्रेजुयेट आरो पस्ट ग्रेजुयेटनि सा 1336 बिजाथिफोरनो थिसनलाइ गथाइदों

उदालगुरि, 18 जुन: बिटिसिआव
लांदों जानानै थानाय ग्रेजुयेट आरो
पस्ट ग्रेजुयेटनि फोरेंगिरि मासिखौ
सुफुनो थाखाय 2024 माइथायनि
डिसेम्बरआव आन्जाद खुंफुंनाय
जादोंमोन। बे आन्जादिनि फिथाइ
महरै मेरिट लिस्ट साखा-फारा
खालामनानै थानाय 17 जुनआव
फिथाइखौ फोसावनाय जादोंमोन।
(□ 6 बिलाइआव)



साहित्य अकादेमीनि लाइमोन आरो गथ’सा थुनलाइनि बान्थाखौ फोसावबाय

असमिया आरो बर’ रावआव साब्रै लिरगिरिफोरआ सायख’जादों

गुवाहाटी, 18 जुन : साहित्य अकादेमीआ दिने बुधवारिखालि
हाबाफारि बायदियै साहित्य अकादेमीनि लाइमोन आरो गथ’सा
थुनलाइनि बान्थाफोरखौ फोसावना होदों। बेबायदियाव असमिया
रावआव 2025 मायथाइनि गथ’सा थुनलाइ बान्थाखौ सुन्दर महन दासआ
मोनो हादों। दासआ गावनि बिजाब ‘मइनाहंटर पद्य’ बिजाबनि थाखाय
बे बान्थानि थाखाय सायख’जायो। गुबुन फारसे साहित्य अकादेमीनि
लाइमोन बान्थाखौ सुप्रकाश भुजानो गथायनाय जादों। बिथाङ
‘कुचियानामा’ बिजाबनि थाखाय बे (□ 6 बिलाइआव)

सि दाग्राफोरा बयनिबो गोसो बोनो हानाय बायदियै सि दानांगौ : इउजि ब्रह्म



फोरमायनानै सि दाग्राफोरनि मुलुगनाखरि हाथाइआव दखल
गेजेरजोंनो सि दानांगौ होन्ना खालामहोनो हायो बेखौ नोजोर
मख’दों आरो बे सिफोरखौ मावों (□ 6 बिलाइआव)

‘आबोफ’आ पर्वतझरानि हाखौ आदानी कम्पानोनो गथायनो लानायखौ फिन बिजिरफिनो सरकारनिसिम खावलायदों

कक्राझार, 18 जुन : बिटिआर कक्राझार जिल्लानि सिङव थानाय
पर्वतझर महखुमानि बासबारि रेंथिनिउ गामिनि सिङव थानाय गासै
3,600 बिघा हाखौ आदानी कम्पानोनो टर्मेल पावार प्रजेक्ट लुनो
सरकारआ गथायना होनो हास्थायनाय खामानिखौ दुलाराय बर’ आयजो
अन्साय गौथुम (आबोफ)आ गोथोयै दुखु फोरमायदों। बे थि खालामनाय
हा दखरसेआ जनजातिफोरनि थाखाय सर्रेखाथिनाय आरो बेयावनो जौनि
जनजातिफोरा गोबाव सान नाडैनिफ्रायनो आबाद, जुनाद फिसिनायजों
लोगोसे बायदि रोखोमनि फालांगि खालामनानै गासैबो हारि-धोरमजों
गोरोबलायनानै गोजोनै जिउ खांबोदोंमोन। बेनि अनगायैबो बेयाव थानाय
बेसेन गोसा मिथिंगायारि सम्पद जर’खायै सानानै फोजोबनो हायै साल
दफानि मिथिंगायारि समायनाया बयनिबो गोसोखौ बोनो हायो। इयुनआव
बे ओन्सोलआव मिथिंगायारि आरो बेसेन गोसा साल दफाजों बुंफबनाय
गंसे समायना गोसो बोजानाय दावबायारि जायगा आरो बेसेन गोसा
दफाजों आबुं जानाय बायदियै रांखाथिथारि महरै दरसे मुंदांखा ओन्सोल
सोरजिजागोन होन्नानैबो आफादिनफ्राय बिबुंसारआव मख’दों। □

अमर खुंगुर बर’आ ‘आं असुर’ खन्थाइ बिजाबनि थाखाय साहित्य अकाडेमि बान्था मोन्नो हादों



उदालगुरि, 18 जुन: भारतनि मोन
23 गनायथि मोन्नाय रावफोरसो
गथायनाय साहित्य अकाडेमि
बान्थाखौ बुधबाराव
फोसावनायखौ नुनो मोन्दों। बे
खेबआव बर’रावआव साहित्य
अकाडेमि बान्थाखौ मोनोनो हादों
उदालगुरि जिल्लानि खालिंदुवार
बियाबनि बेंखनआव थानाय उत्तर
गेजेरखुसि गामिनि थागिबि बिफा
आबादरि सुख्राम बर’ आरो बिमा
(□ 6 बिलाइआव)

गुरुबासायाव भिसिडिसिनि मासिगिरिखौ गाग्लोबदों

बासुगाव, 18 जुन: बिटिसि बिसायख’थिनि सिगां सिगां थानाय समबार
मोनाबिलियाव चिरां जिल्लानि गुरुबासायाव इडपिपिएल दोलोनि मोनै
हान्जानि गेजेराव गिरंथंथव बुलायनायनि जाथाइ जानायनि गोदान मोनसे
जाथाइनि खौरं मोन्नाय जादों। मख’नो गोनांदि थानाय समबार
मोनाबिलियाव इडपिपिएल दोलोनि मोनसे हान्जानि दोलोआरि दैदेनगिरि
मावफारियाफोरनि हान्जायै गाग्लोबनायाव गोब्राबै जखम जानानै
फाहामसालियाव थाहेंनो गोनां जादों गुरुबासा भिसिडिसिनि मासिगिरि
एबा इडपिपिएलनि दैदेनगिरि बिपुल मुसाहारिआ। दिने बडाइगावनि
फाहामसालियाव फाहामथाइ लाबाय थानाय समावनो बिपुल मुसाहारिआ
खौरं बिजोंनि सिगाडव बिटिसिनि थिसनजानाय एमसिएलए एबा
प्रमद बर’नि राजखान्थियारि बोसोनगिरि माधव चेत्रिनि हेंथायै बेफ्रुसार
बिबुंथि आरो अजद होनायखौ नुनो मोन्दों। बिपुल मुसाहारिआ अजद
होनाय बायदिब्ला समबार मोनाबिलियाव (□ 6 बिलाइआव)

अल्टारनेटिभ पार्टी अफ बड’लेन्ड दोलोनि मुसलपुर ब्लक कमिटिखौ दाफुंबाय

मुसलपुर, 18 जुन: बि टि सि
बिसाइख’थिया खुंजानो गेजेराव
दान मोनैसोल’ सम दंसे। बे
बिसाइख’थिखौ नोजोर बोनानै
गुबुन-गुबुन राजखान्थि दोलोफोरा
खामानि मावबाय थानाय बायदिनो
गोदानै जोनोम मोन्नाय
अल्टारनेटिभ पार्टी अफ बड’लेन्ड
दोलोआबो गावसोरनि दोलोनि
गोहोखौ बांहोनो जायगा-जायगा
राइजो-राजाफोरजों
सावरायलायनायजों लोगोसे



बिथांमोना जिल्ला, ब्लक एबा
प्राइमारी कमिटिफोर दाफुंबाय
थानायखौ नुनो मोन्दों। बे
बायदियैनो बाक्सा जिल्लानि
सिङव थानाय हाटिटारि बाथी
थानसालिनि जौसांआव रबिन
बर’नि मेल सामलायनाय दिने
अल्टारनेटिभ पार्टी अफ
बड’लेन्डनि मोनसे सावराय जथुमा
जानानै थाङे। बे सावराय
जथुम्मानि गेजेरजोंनो मुसलपुर
(□ 6 बिलाइआव)



22 जुनआव सालबारियाव राइज्योआरि थाखोनि मुलुगनांआरि यगा सान फालिगोन गाहाइ आलासि महरै आसामनि गिबि मन्थि ङ शर्माआ बाहागो लागोन

भबानिपुर, 18 जुन: बिटिआरनि
सालबारि महखुमा सदराव थानाय
सालबारि फरायसालिमानि गेवलां
गेलेग्रा फोथाराव 21 जुनआव
राइज्योआरि थाखोआव खुंफुंजानो
गोनां 11 थि मुलुगनांआरि यगा
सानखौ खुंफुंनो थाखाय लाहार
फाहार खालामनायखौ नुनो
मोन्दों। मख’नो गोनांदि, आसाम
सरकारनि सावस्त्रि आरो नख’र

अन्साइ बिफान आरो माहारियारि
आयुष मिसन, आसामनि
बान्जायनायाव एबा बिटिसि आरो
बाक्सा जिल्ला खु’थाइनि
हेफाजाबआव 21 जुनआव 6
रिंगानिफ्राय खुंफुंजानो गोनां
मुलुगनांआरि यगा सानआव गाहाइ
आलासि महरै आसामनि गिबि
मन्थि ङ हिमन्त बिश्व शर्माआ
बाहागो लाफैगोन। सालबारि
फरायसालिमानि गेवलां गेलेग्रा
(□ 6 बिलाइआव)

मावफुं सोद्रोमा दावबाइसा बर’आ भेगावनि रेडनब’ रिभुलसन मिशननि ना फिसा-आदार मुवा-बेसादखौ गथायदों

उदालगुरि, 18 जुन : उदालगुरि
जिल्लानि बिटिसि 32 नं भेगाव
गौथुमारि बियाबनि सिङव थानाय
रेडनब’ रिभुलसन मिशननि
बान्जायनायाव दिने ना फिसा आरो
आदार मुवा-बेसाद गथायनाय
हाबाफारि खुंदों। बिटिआरनि
मावफुं सोद्रोमा दावबाइसा बर’आ
ना फिसा आरो आदार मुवा-



गोनांथार सावरायलायनायाव बाहागो 3.0, एटि कलि दुति पात
लानायखौ नुनो मोन्दों। बे
बिथांखिफोरखौ सम होजाखानाय
सावरायलायनायाव गिबि मन्थिनि
बायदियै मावफुंनारनि थाखाय
आत्म निर्भर असम, अरुनदय
(□ 6 बिलाइआव)

एमएलए जिरन बसुमतारिआ बाडाली मेलेमजिबि- राइजो-राजाफोरजों सावरायलायदों



गसाइगाव, 18 जुन: बिटिसिनि 5 नं. चरइबलि बियाबआव जिउ
खुंबाय थानाय बाडाली माहारिनि मेलेमजिबि आरो राइज्यो-राजाफोरजों
गसाइगाव बिधान सभा बियाबनि एमएलए जिरन बसुमतारिआ दिने
गसाइगावआव मोनसे गोनांथार सावरायलायनायाव बाहागो लानायखौ
नुनो मोन्दों। गसाइगाव प्रेस क्लारबनि लांगोनायाव एमएलए जिरन
बसुमतारिनि दैदेननायाव बान्जायनाय (□ 6 बिलाइआव)



बेसादफोरखौ गथायनानै होयो।
मख’नो गोनांदि, खग्राबारिआव
थानाय बाथी मन्दिर लांगोनायाव
फुं समआव गंगा फुजा होनानै
गोथार थासारिनि गेजेरजों बाथी
मन्दिरनि सोरगिदिं थानाय
फुखिआव फिथा हास’नानै ना
फिसा फिनायनि थाखाय हगारनानै
होनायनि अनगायै गं 4 पेडेल
बटखौबो गोथारै बेखेवना होदों।
हाबाफारिआव मुंदांखा देखोगिरि
नयन निलिम बरुवाआ बाहागो
लाफैनानै हाबाफारिखौ जाफुंसार
होफेदों। □

दासान्दि दुलाराय बर’ फरायसा आफादिनि सायाव सोंखारिनाय आरो मुंसुनाय बाथाफोरखौ लानानै गसाइगाव दख’रा एबसुआ खौरागिरि मेल खुंफुंदों

कक्राझार, 18 जुन: कक्राझार जिल्लानि
सिङव थानाय पर्वतझरा आव आदानि
कम्पानिया टर्मेल पावार प्रजेक्ट
(एपिडिसिएल) गायसन्नो नागिरिनायखौ
लानानै ओनसोलनि रायजो राजाफोरा

दावराव दावसि खालामनायाव बाहागो
लानानै माखासे सुबुफोरा आरो माखासे
राजखान्थि दोलोनि दैदेनगिरिफोरा दुलाराय
बर’ फरायसा आफादखौ बेनि सायाव जेबो
बाध्रा बुडाखे होन्नानै बायदि रावजों

सोंखारिनाय आरो मुंसुनायखौ नुनो मोन्नाय
जादों। बेनि बेरेखायै दिने गसाइगाव दख’रा
एबसुआ गसाइगाव दख’रा एबसुनि
मावखुलियाव मोनसे खौरागिरि मेल
खुंफुङे। बे खौरागिरि मेलनि गेजेरजों

गसाइगाव दख’रा एबसुनि आफादगिरि
बिजय कुमार ब्रह्म बिथाङ दुलाराय बर’
फरायसा आफादिनि हेंथायै आरजाथावै
बाध्रा बुंनयनिफ्राय गासिबो गोजानाय
थानांगौ होन्नानै खावलायो। मानोना
एबसुआ हारिनि थानाय आरो थैनायखौ
नोजोर होनानै माहारिबादखौ गोरबोयाव
दोन्नानै जेब्लायबो हारि जौगानायनि
खामानि मावग्रा मोनसे आफाद। दिनेनि
समाव (□ 6 बिलाइआव)

जि 7 सामिटआव मुलुगनाडैनि मुंदांख्रा दैदेनगिरिफोरजों गाहाड़ मन्थि मदिआ लोगो हमदों



गोदान दिल्ली, 18 जुनः गाहाड़ मन्थि नरेन्द्र मदिआ जि-7 शिखर जथुम्मायाव बाहागो लानो थाखाय कानाडानि एल्बार्टनि पमेराय

कनानास्कीस माउन्टेन लाज सौहैयो। कानाडानि गाहाड़ मन्थि मार्क कार्नीआ जि-7 शिखर जथुम जानाय दैदेनगिरिफोरजों लोगो हमनानै

मख 'जाथाव मुलुगयारि आयदानि सायाव गावनि सान्नायखौ शेरार खालामगोन। मदिनि बे जथुमआव बाहागो लानो आरो कानाडानि गाहाड़ मन्थि मार्क कार्नीजों लोगोसे जानो गोनां सावरयनायजों भारत आरो कानाडानि सोमोन्दोआव फै नाय जे'नाखौ जानगार खालामनायनि मिजिं दड़। बे समाव भारतनि हाड़ कमिसनार चिन्मय नायकआबो बाहागो लादों। मदिआ कानाडानि कनानास्कीसआव 51 थि जि-7 शिखर जथुमनि समाव इयलीनि गाहाड़ मन्थि जर्जिया मेलनीजों लोगो हमो। बिथाड कानाडानि कनानास्कीसआव जि-7 शिखर जथुमनि समाव फ्रान्सनि हादरगिरि इमानुएल मेक्रनजोंबो सावरयो।

मणिपुरआव रैखाथि हान्जाफोरा आलादा आलादा अपारेशननि गेजेरजों केसिपिनि साब्रै केडारफोरखौ ग्रेप्टार खालामदों

इम्फल, 18 जुनः रैखाथि हान्जाफोरा मंगलबारखालि होबथाजानाय आफाद कॉलेइपाक कमिउनिस्ट पार्टि (केसिपि) नि साब्रै एक्टिभ सोद्रोमाखौ राइज्योंनि गुबुन गुबुन जायगाफोरनिफ्राय ग्रेप्टार खालामदों। बे अपारेशनखौ सोनाब इम्फल आरो बिष्णुपुर पुलिसनि मोन्थाय गोनां ओन्सोलनि गेजेरजों आइनआरि सामलायग्रा बिबानगिरिफोरनि सालायनाय आलादा आलादा अपारेशननि गेजेरजों खालामनाय जादों। गिबि अपारेशनआव लम्फेल पुलिस स्टेशननि मावसुमाफोरा 22 बोसोर बैसोनि आइजो युमनाम जेनिक, जाय सान्जा इम्फल जिल्लानि मइरंकम्पु अवां लेइकाइनि थागिबि सुबुंखौ ग्रेप्टार खालामदों। बिखौ सोनाब इम्फल जिल्लायारि चिंमेइरा ममं लेइखाइनिफ्राय ग्रेप्टार खालामनाय जादों। बिबानगिरिफोरा मिबार्थि



गुड सार्ड आरो गुबुन स्वामानि

इ-टेन्डर नटिस नं.: एपि/इएल/05/25-26। गाहायाव होनाय खामानिनि थाखाय इ-टेन्डर होंखायनाय जादों। फोर नं. 1। टेन्डर नं.: एपि/इएल/05/25-26।

खामानिनि मुं: जराइआव मोलिबबारि खामानिनि थाखाय: गुडस यार्डनि जोगाथाय, सि.सि.टि.भि.नि राहा, गुडस मावख, लेबार रेट्ट रम, मार्चेन्टि खथा, ई जामनायय खाथि, साना फोर्मायनायय खिखरनि सुबिदा बायदि आरो तुफानमन्जआव - मोलिबबारि खामानिनि थाखाय: गुडस टर्मिनलआव बिथायारि सानज 'थाखौ जीगाहोनाय, कभार शेड, गुडस मावख', मार्चेन्ट रम, लेबार शेड, खिखरसालि, सि.सि.टि.भि. नि राहाजों लामासिम सौहैनाय। फोसाबनाय टेन्डर बेसेन: 1,23,99,672.10 रं। अग्रिम रं: 2,12,000.00 रं। इ-टेन्डर जेबनायनि सम आरो अक्ट: 11-07-2025 नि 15:00 रिगायाव बन्द जोगोन आरो 11-07-2025 नि 15:30 रिगायाव बेखेवनाय जोगोन। डिआरएम/इलीक्ट्रिआव (बि)/आलिपुरदुवार जंसननि मावख'। गोर्नाथि इ-टेन्डरनि टेन्डा डकुमेन्टजों लोगोसे आबुं फोर्मायथिखौ वेबसाइट www.ireps.gov.in आब मोनो हागोन।

डिआरएम /इलीक्ट्रि (बि)/आलिपुरदुवार जंसन

सा-सान्जा सिमना रेलवे

मिनिस्लनायजों ग्राहकफोरनि सिबिथाड

आलिपुरदुवार जंसनआव यार्ड जोगाहोनायनि खामानि

इ-टेन्डर नटिस नं. 48/डब्लिउ-2/एपिडिजे। अक्ट: 13-06-2025। गाहायाव होनाय खामानिनि थाखाय इ-टेन्डर होंखायदों। टेन्डर नं.: 22-एपि-1-2025। खामानिनि मुं: "निउ आलिपुरदुवार, खामाख्या आरो जराइ यार्डआव यार्ड जोगाहोनाय।" टेन्डरनि बेसेन: 2,15,75,709.07 रं। अग्रिम रं: 2,57,900 रं। टेन्डर बन्द जानाय सम आरो अक्ट: -04-07-2025 नि 15:00 रिगायाव अक्ट जोगोन आरो 15:30 रिगायाव बेखेवजोगोन। टेन्डरनि आबुं फोर्मायथिखौ मिबार्थिनो थाखाय www.ireps.gov.in वेबसाइटआव गोवाडै मोनो हागोन।

डिआरएम (डब्लिउ), आलिपुरदुवार जंसन

सा-सान्जा सिमना रेलवे

मिनिस्लनायजों ग्राहकफोरनि सिबिथाड

रडिया डिभिजनआव मोलिबबनि स्वामानि

इ-टेन्डर नटिस नं.: आरएनवाइ-इएल-टि-08-2025। अक्ट: 16-06-2025। गाहायाव होनाय खामानिनि थाखाय इ-टेन्डर होंखायनाय जादों। खामानिनि मुं: गारहालागुआव सोलिबाय धानाय खथाखौ बाहोनायजों सोमोन्दो लाखिनाय मोलिबबआरि खामानि। टेन्डरनि बेसेन: 7,56,320.02 रं। अग्रिम रं: 15,300 रं। टेन्डर बन्द जानायनि सम आरो अक्ट: 11-07-2025 नि 13:00 रिग। टेन्डरनि आबुं फोर्मायथिखौ मिबार्थिनो थाखाय www.ireps.gov.in वेबसाइटआव गोवाडै मोनो हागोन।

सिनियर डिइ/रडिया

सा-सान्जा सिमना रेलवे

मिनिस्लनायजों ग्राहकफोरनि सिबिथाड

फोसावथाइ

फोसावथाइ नं.: एनएफआर/एइसकिउ/सिटि/01/2025। अक्ट: 16-06-2025

एनएफआर हेड क्वार्टर इडनिटिनि सिखाव धानाय रेलवेआव थिका महरै अरायथा नई फोरेंगिरि थिसन्थायनि थाखाय मोगा-मोगि आन्जाद

समफारि लाइ						
(i)	(वेबसाइटआव फोसावथाइखौ फोसाबनायनि अक्ट)	16 June, 2025	10:00 hrs			
(ii)	अनलाइन आर'ज बिलाइनि थाखाय जामावनाय अक्ट	17 June, 2025	08:00 hrs			
(iii)	अनलाइन आर'ज बिलाइनि थाखाय जोगेथा अक्ट	01 July, 2025	17:30 hrs			

1. रेलवे एइएस स्कूल/मालिगाव, नेताजि बिद्यापट्ट एइएस स्कूल/मालिगाव आरो रेलवे प्राइमरी स्कूल, रेट्ट केम्प, पान्डुआव आबुडै थिका महरै साबजाथाव बिजार्थिफोरखौ थिसनायनि थाखाय लादों जानै धानाय फोरेंगिरि मासिखौ आबुं खालामनो थाखाय मोगा-मोगि सोंथि आन्जाद खुंनो थांथि लानाय जादों। थिसन्थाइआ 200 सान (नैजी सानफोर)नि थाखाय मोनसे थिसनाय दानारि बाया हिसाबै अरायथा नई जोगोन आरो रेलवे डिइटेन्डर बर्डीनफ्राय सायख 'जानाय बिजार्थिफोरनि मावन' बिबान समआ बांनो/खामयनो हागौ एबा रेलवे बर्डीआ फोसाबनाय बादिदै बिसोरनि माव बिबान समआ सम बादिदै थानो हागौ।

2. थिका महरै थिसन्थायनि थाखाय फोरेंगिरिफोरनि मासिखौ गाहायाव रोखायै होनाय जावय:

फारि नं.	फोरेंगिरि, आयदा आरो फायसालिनि केटागिरि	कमिउनिटि हिसाबै थाखो रननाय एरसिनि एरसिटि अडिनि इउआरि इडिनिइरस	गासै मासिफोर	मोगा-मोगि आन्जादनि अक्ट, सम आरो थावनि				
1.	पस्ट ग्रेजुएट फोरेंगिरि (पिजिटि)							
(i)	पिजिटि (गजखाथि बिगियान) (एनभिपिआरएइएसएसएस/एमएलजि-01 आरएइएसएसएस/एमएलजि-01)	: 2	1	1				
(ii)	पिजिटि (पिजिकेल एडुकेसन) एनभिपिआरएइएसएसएस/एमएलजि-01 आरएइएसएसएस/एमएलजि-01)	: 2	1	1				
(iii)	पिजिटि (बाय'लजि) (एनभिपिआरएइएसएसएस/एमएलजि)	: 1		1				
(iv)	पिजिटि (जिय प्राक्) (एनभिपिआरएइएसएसएस/एमएलजि)	: 1	1					
(v)	पिजिटि (जार्मिनि) (आरएइएसएसएस/एमएलजि)	: 1		1				
(vi)	पिजिटि (कमर्स/एकाउन्टेन्सि) (आरएइएसएसएस/एमएलजि)	: 1		1				
(vii)	पिजिटि (कमर्स/बिजिनेस स्ट्याडिज) (आरएइएसएसएस/एमएलजि)	: 1		1				
गासै		: 2	1	2	3	1		
2.	फोरेंगिरि मोनाय ग्रेजुएट फोरेंगिरि (टिजिटि):							
(i)	टिजिटि (असमीय) (एनभिपिआरएइएसएसएस/एमएलजि):	: 2		1	1			
(ii)	टिजिटि (हिन्दी) (एनभिपिआरएइएसएसएस/एमएलजि):	: 2	1		1			
(iii)	टिजिटि बिगियान (पर्सिबि) (एनभिपिआरएइएसएसएस/एमएलजि):	: 1			1			
(iv)	टिजिटि बिगियान (पर्सिबि) (आरएइएसएसएस/एमएलजि):	: 2			1	1		
(v)	टिजिटि (फान आर्ट्स) (आरएइएसएसएस/एमएलजि):	: 1		1				
(vi)	पिजिटि (कम्युनर साइन्स) (आरएइएसएसएस/एमएलजि):	: 1				1		
गासै		: 1	1	3	3	1		
3.	गुदि फोरेंगिरि (पिआरटि):							
(i)	इंजाय (एनभिपिआरएइएसएसएस/एमएलजि-02 आरएइएसएसएस/एमएलजि-01)	: 3	1		1	1		
(ii)	हिन्दी (एनभिपिआरएइएसएसएस/एमएलजि-01 आरएइएसएसएस/एमएलजि-01 आरएइएसएसएस/एमएलजि-01)	: 3		2	1			
(iii)	असमीय (एनभिपिआरएइएसएसएस/एमएलजि)	: 1				1		
(iv)	मिडजिक (हिन्दुस्तानी भ्केल (आइजो) (आरएइएसएसएस/एमएलजि)	: 1		1				
(v)	मिडजिक (डान्स) (आइजो) (एनभिपिआरएइएसएसएस/एमएलजि)	: 1				1		
गासै		: 4	1	3	3	1		
गासै मासिफोर =			1	3	8	9	3	27

नायनो गोनां: जुदि बिजार्थिफोरनि अन्जिमाय बांसिन जायो, अब्दा मोगा-मोगि आन्जादनि सारखौ गोर्नाथि बादिदै फोलावनाय जोगोन।

गोसो युदु बिजार्थिफोर गावबा-गावनि गोदान गाब गोनां पट'ग्राफ आरो बिजार्थिफोरनि सागन होनाय फोसमान बिलाइफोरखौ सुधावननै आर'ज बिलाइखौ सुकुनौ हागोन। फोसावथाइनि आबुं फोर्मायथि आरो आर'ज बिलाइखौ गाहायाव होनाय वेबसाइट थिनिफ्राय डानलड खालामनो हागोन-www.nfr.indianrailways.gov.in आरो <https://railwayschool.nfreis.org/>

आर'ज बिलाइखौ सुकुनार्थनि उनाव अनलाइन आर'ज बिलाइआव मख'नाय बादिदै गासै गोनां फोसमान बिलाइफोरखौ लोगोसे सामन होनाय आर'ज बिलाइनि स्केनि कपिखौ गोजीआव होनाय वेबसाइट थंआव आपलड खालामनोना। मोगा-मोगि सोंथि आन्जादनि समआव अनानै भेर्पिफेकसनि थाखाय आर'ज बिलाइजों लोगोसे गासै नंगुबै फोसमान बिलाइफोरखौ लानानै फे।

नायनो गोनां: बे फर्मखौ सुकुनार्थनि उनाव अनानै आर'ज बिलाइ आरो फोसमान बिलाइफोरखौ www.nfr.indianrailways.gov.in आरो <https://railwayschool.nfreis.org/>आव आपलड खालाम।

जेनेरेल मेनाजार (बि), मालिगाव, गुवाहाटी-11

सा-सान्जा सिमना रेलवे

"मिनिस्लनायजों ग्राहकफोरनि सिबिथाड"

पाकिस्ताननि कराचिआ मुलुगनि दरबा बयनिख्रुइ गाज्रिसिन सहरफोरनि गेजेराव दंफायो

कराचि, 18 जुनः पाकिस्ताननि कराचि सहरआ थाजाथाव नंलिया। दा इकनमिस्ट लाइसिनि हेफाजाबगिरि आफाद इकनमिस्ट इन्टेलिजेन्स इउनिटआ बे बोसोरनि बयनिख्रुइ बांसिन आरो बयनिख्रुइ खमसिन गुण थानाय सहरफोरनि फारिलाइ फोसावदों। एजेन्सिआ 2025 आव मुलुगनि बयनिख्रुइ खम गुण थानाय सहरफोरखौ फोरमायदों, जेरव पाकिस्ताननि रांखान्थियारि राजथावनि कराचिनि मुड दंफायो। थिंक टेंटआ 2025 नि थाखाय मुलुगनाडै नि दर 173 सहरफोरखौ देहा सिबिथाय, सोलोंथाय, दिदोमर्थि, गुदि बिथा आरो आबहावनि सायाव बिथा खालामनानै रेंकि होदों।

थानाय 1 बोसोराव फारिलाइयाव बयनिख्रुइ गाहाय रेंकिआव बारा सोलायनाय फैयाखै। सिरियानि दमिशकआ बारा' हदरगिरि बशर अल असदनि 6 दान उनावबो मुलुगआव बयनिख्रुइ खम गुण गोनां सहर जायो। लिबियानि त्रिपलीआ बेनिख्रुइ गोजौसिनआव दड़। बांलादेशनि राजथावनि ढाकाआ गाहायनिख्रुइ थामर्थि थाखोआव दड़ आरो

पाकिस्ताननि रांखान्थियारि राजथावनि कराचि आरो आल्जेरियानि अल्जीयर्सखौ ब्रैथि आरो बाथि बयनिख्रुइ खम गुण गोनां सहर महरै जायगा होदों। 2025 आव बयनिख्रुइ बांसिन गुण गोनां सहरफोराव डेनमार्क नि राजथावनि क पेनहेगानआ फारिलाइआव गिबि जायगा मोन्दों। थासारि, सोलोंथाय

आरो गुदि बिथानि थाखाय पारफेक्स स्कर मोन्नायनि उनाव क पेनहेगानआ देरहासारनो हादों आरो भियना सुइस सहरआ जुरिखजों लोगोसे नैथि थाखोआव दड़। अस्ट्रेलियानि मेलबर्नआ ब्रैथि जायगायवनो थानो हादों आरो सुइजारलेन्डनि जेनेभाआ फारिलाइआव बाथि जायगा आवग्रिदों।

इउपि आरो राजस्तानआव मौसुमि बोथोरआ एन्ट्रि जासिगोन

होयोदि, जेनिकाआ सरासनस्त्रा सुबुंनिफ्राय रां लानायाव एक्टिभयै दंफायोमोन। बिनिफ्राय गंसे मबाइल फन आरो 2,500 नोगोद रं बोखानो हादों। बिष्णुपुर पुलिसआ सालायनाय मोनसे आलादा आपारेसनआव बिष्णुपुर जिल्लानि निंथौखं खा खुनौनिफ्राय के सिपिनि आरोबाव सानै एक्टिभ सोद्रोमाफोरखौ ग्रेप्टार खालामदों। दायनिगिरिफोरखौ खंद्राम जय सिंह एबा खगेम्बा (51), जाय नम्बल लौरैन्बमनि नोगोरारि आरो आथिखालाव निंथौखंआव थानानै दड़आरो मैडबाम मेमचा देबी (49), जायखौ वांगु ममं सबालनि नोगोरारि महरै सिनायथिदों। नायबिजिनार्थनि गेजेरजों रैखाथि हान्जाफोरा बिसोरनिफ्राय गंसे 32 केलिबर पिस्टलजों लोगोसे मोनसे लांदां मेगजिन आरो गेंब्रे मबाइल फन जब्द' खालामदों।

गोदान दिल्ली, 18 जुनः हादरनि खावसेनिख्रुइ बांसिन बाहागोफोरा मौसुमि बोथोरआ एन्ट्रि जाखाबाय। मौसुमि बोथोरनि बारआ बिहारआव सौहैबाय। फैगौ माखासे घन्टाफोरनि गेजेराव सान्जा उत्तर प्रदेशआवबो मौसुमि बोथोरआ आगान होफैगोन। बेराफासै सा भारतनि फासैनिफ्राय मौसुमि बोथोरनि बिदुं बांनायाव दावख्खायनायखौ नुनो मोनो। दिल्ली एनसिआरजों लोगोसे खाथि-खालानि ओन्सोलफोराव थानाय सानआव जुब-जुब अखा हायो, जायजों सुबुंफोरा गरमनिफ्राय रेहाय मोन्नो हमो। भारतयारि बोथोर बिफाननि बादिब्ला, 17 जुनसिमआव गुजराट, खोला मध्य प्रदेश, छत्तिसगड़, झारखन्ड आरो सान्जा बिहारआव मौसुमि बोथोरआ आगान होखांबाय। फैगौ साननै-

NOTICE INVITING FOR QUOTATION/TENDER

Separate sealed quotations/tenders affixing non-refundable Court fee of **Rs- 8.25 (Rupees eight and twenty five paisa)** only are invited from the interested Vendor/Supplier/Contractors etc. for the below mentioned work in respect of Director, A. H. & Vety. Deptt., BTC, Kokrajhar.

Group	Name of work	District	Quantity	Remarks
A	One day Sensitization programme for benefit of Artificial Insemination/Fodder Cultivation/ Different Animal Husbandry practices like Piggery/ Goatery/Duckery/ Poultry Farming in Block Level Educational Institutions under BTR district for the financial year 2025-26.	Kokrajhar	8 Nos.	Rate should be quoted in figure & word
B		Chirang	4 Nos.	
		Baksa	14 Nos.	
		Udalguri	4 Nos.	

THE BIDDER SHOULD ENCLOSED THE FOLLOWING DOCUMENTS WITH THEIR BID

(a) Bid Cost (Non-Refundable) of Rs. 1,000/ (Rupees One Thousand) only for each group in the form of Demand Draft duly pledge in favour of **"The Principal Secretary, Bodoland Territorial Council, Kokrajhar"** with quotation/tender.

(b) Bid Earnest Money (Refundable) @ 1% in case of ST/SC/OBC and 2% for General/Firm of quotation/tender amount in the form of Call Deposit/NSC/Demand Draft duly pledged in favour of **"Director, A. H. & Vety. Deptt., BTC, Kokrajhar"**.

The quotations/tenders will be received at the Office of the undersigned up to 1.00 P.M. of **24th June/2025** and will be opened at 1.30 P.M. of the same day. In case, last date of receipt is happened to be a non-working day for any reason, the next working day will be considered as the date for submission of Quotations/Tenders and opening thereof. The bidders or their representatives may remain present at the time of opening of the quotations/tenders.

TERMS & CONDITIONS

1. Self-attested copies of Registration, GST Registration Certificate, Income Tax Clearance. PAN Card & etc. along with the quotations.

2. The work should be completed within **10 (Ten)** days from the date of issue of work order.

3. The selected bidders will have to execute a Bond with this office before issue of formal order for work.

4. The Vendor/Contractor/Farm/Institution must furnish consent letter from the DVO of the respective district where the sensitization programme will be organised, mentioning that they will provide Resource Person from their end when the programme will be organised, along with their tender documents.

5. Details terms and conditions of the work/item may be seen in the office of the undersigned during office hour up-to 12 noon of **24th June/2025**.

6. The Director, A. H. & Vety. Deptt., BTC, Kokrajhar/ the BTC Secretariat reserves the right to accept/reject any of quotation without assigning any reason thereof.

7. Payment will be made subject to availability of fund.

Sd/

(Smt. Pallavi Kachary, ACS) i/c Director **A.H. & Vety. Deptt., BTC, Kokrajhar**

Memo No. DV/BTC/VETY/SP-2/2025-26/235/

Dated Kokrajhar the 11th June 2023

शिलचर- कलेन राजा लामायाव थानाय दालाड बानायफिन्नायनि माखासे सप्ताह उनावनो बायग्रबो

गुवाहाटी, 18 जुन : आसामाव बावैसो सिगां बानायफिन्नाय गंसे दालाड बुधबार फुडव बायग्रबो, जायजों भांगरपारायाव थानाय शिलचर-कलेन माघरियारि राजा लामायाव मोनसे मख 'जाथाव लामाया बायो। बे जाथाया बराक हायेनखौ आलादा खालामना होयो आरो न'सुंसे राइज्यो त्रिपुरा आरो मिज 'रमनि सोमोन्दोखौ गोहोम खोख्तैयो। हरं दैमायाव बानायनाय बे दालाड बानायफिन्नायनि उनाव खुलिफिन्नायनि माखासे सप्ताह उनाव बायो, जायनि बेसेना गोब्राबे 1.37 कौटि रांमोन। दालां बायग्रबनाय समाव अन्थाइ लानाय गंनै ट्राकआ दैमायाव गलाडो। नाथाय बिबानगिरिफोरा खनिबो



जिउ गोमानायनि खौरां होयाखै। काछारनि डिपुटि कमिसनार मुडुल यादभ आरो पुलिस एसपि नुमल महालाआ थासारिखौ नायबिजरनो

थाखाय थाबै नो जाथायसालियाव सौहैयो। एसडिआरएफआ दालां बायग्रबनायनि उनाव रैखा खालामनाय हाबाफारिया

जागायो। फिसा गरिफोरनि थाखाय अरायथा नडै महरै लामानि गनायथि होनो थाखाय खान्थिनि मोनसे लामाखौ सिनायथियो।

भिशाल मेगा मार्टआ इन्भेसमेन्ट खालामग्राफोरनो गोबां मुलाम्फा होदों



गोदान दिल्ली, 18 जुन: बुधबारखालि बाजार खुलिनाय लोगो लोगो भिशाल मेगा मार्टनि शेयार बिएसइआव 5 जौखोन्दोसिम बांदों। बेनि सिगां थानाय मंगलबारखालि कम्पानीनि प्रमटर समयात साभिसेज एलएलपिआ ब्लक रादायनि गेजेरजों 20 जौखोन्दोनि इक्विटी शेयार दैथाय हरो। बेनि जाहोनाव बुधबारखालि बेनि शेयारफोराव बांनायखौ नुनो मोन्दों। बेजों इन्भेसमेन्ट खालामग्राफोरा गोबां मुलाम्फा जायो, जाय इन्भेसमेन्ट

खालामग्राफोरा भिएमएमआव इन्भेसमेन्ट खालामदोंमोन, दिनै बिसोर गाहाम रिटार्न मोनो। मिडिया रिपर्टफोरखौ गनायोब्ला, 10,488 कौटि रांनि 91 कौटि शेयारखौ प्रमटरआ दैथाय हरो। मोनफ्रोम शेयारआव 115 रांनि हिसाबजों बे रादाया जायो। बुधबारखालि भिशाल मेगा मार्टनि शेयारआ 1.6 जौखोन्दो बांनानै 126.95 रांनि थाखोआव बन्द' जादोंमोन। दिनै बिएसइयाव बेनि शेयारआ

133.10 रांनि थाखोसिम सौहैयो। बे खौरांखौ लिस्नाय समाव भिएमएमनि शेयारआ 0.59 जौखोन्दो बांनानै 127.70 रांनि थाखोआव फालांगि खालामगासिनो दड। एनएसइयाव दिनै भिशाल मेगा मार्टनि शेयारआ 4.3 जौखोन्दोसिम सौहैयो। भिएमएमनि शेयारआ 132.23

रांनि थाखोसिम थाडो। बे समाव एनएसइयाव बेनि शेयारआ 0.80 जौखोन्दो बांनानै 127.79 नि थाखोआव ट्रेड खालामगासिनो दड। भिशाल मेगा मार्टनि शेयारफोरनि बायनाय बेचखौ लानानै थानाय मंगलबार बेलासियाव एनएसइयाव डाटा आपडेट खालामो।

इरानआव इजराइलनि गाग्लोबनायाव सा 585 सुबुंफोरनि जिउ ख 'हा

गोदान दिल्ली, 18 जुन : इजराइल आरो इराननि दाख-बाजिया आधिखालाव दावहानि महर लाबाय। 6 सानसिम गावजों गाव गाग्लोबलायनायनि उनाव इराननि सुप्रिम लिडार फोसावो आरो आधिखालाव दावहाया जागायबाय। बेनि सिगां डनाल्ड ट्राम्पआ बुडोदि, बयबो



थाबै नो तेहरानखौ खालि

पासनै सेरफां मन्डलनि बान्जायनायाव लामाबारिआव सा 50 सोद्रोमाफोरा बिजेपिआव हाबफैदों

उदालगुरि, 18 जुन : भारतीय जनता पार्टीनि नेमखान्थि आदर्श आरो खामानि हरिमुखौ मोजां मोन्नानै मैया मंगलबारखालि उदालगुरि जिल्लानि माजबाट बिधान सभा बियाबनि लामाबारि भिचिडिचिनि सिडाव थानाय लामाबारि गोजौ फरायसालिनि लांगोनायाव 12 नं बुथनि आफादगिरि आगस्तिन इस्लारिनि दैदेन्नायाव ओन्सोलनि सा 50 गुबुन-गुबुन दोलोनि मावफारियाफोरा मंगलबारखालि भारतीय जनता पार्टीआव हाबाफारि बायदियै हाबफैदों। दोलोआव हाबनाय हाबाफारिआव माजबाट



लामाबारिनि मुंदांखा समाज सिबियारि प्रलय दैमारि, माजबाट आन्सलिक बाथौ महासभानि आइजो आफादनि बोसोनगिरि प्रमालि दैमारिमोनजों लोगोसे माखासे दैदेनगिरिफोरखौ दोलोआव बरायनायजों लोगोसे दोलोनि फारसे सिबिथाइ होनानै

खामानि मावलांनायखौ लाखिलांबाय थागोन होन्ना बान्जायगिरिफोरा मिजिंथिदों। दोलोआव हाबनाय हाबाफारिआव बिजेपि मन्डल आफादगिरि जिवन देका, लेडइ आफादगिरि मनज नन्दि, गाहाइ नेहाथारि सार्जु सावर, अन्जन भैद्य, भिचिडिचिनि लेडइ

मासिगिरि जगन्नाथ सांगा, अबिसि मर्सानि मन्डल आफादगिरि हिरन कचमोनहा बाहागो लाफैदोंमोन। मख 'नो गोनादि, भारतीय जनता पार्टीनि आफादआरि बिथिंखौ आगुनिखुइ आरोबाव बांसिनथारै गोखोंथार जाहोनायजों लोगोसे गुबुन राजखान्थि दोलोनि सांग्रां मावफारियाफोरआ दोलोआव हाबफैनाया बिटिसिआव भारतीय जनता पार्टी खौ आरोबाव गोखोंथार महरै गुबुन राजखान्थियारि दोलोफोरनि सिगाडाव होबथानाय महरै गसंथानायनि मिजिंथिनायखौ नुनो मोन्नाय जादों।

चिरांनि बिजनीआव सानै ड्रग्स फालांगिरि हमनो मोन्दों



बिजनी, 18 जुन: चिरां जिल्लानि बिजनीआव ड्रग्सजों लोगोसे सानै फालांगिरिखौ हमनो मोन्दों। मिथिनो मोन्नाय बायदिल्ला, बुधबारखालि

सानजौफु समआव बिजनी महखुमा पुलिस बिबानगिरि रुपज्योति दत्तनि दैदेन्नाय मोनसे पुलिस हान्जानि सिप्रोमनायाव बिजनी सियालमारि चकआव सानै ड्रग्स फालांगिरिखौ हमनो मोनो। पुलिसनि आखाइयाव गोग्लैनाय फालांगिरिया फारियै रेजाबुल हख(29) आरो हाकिम सिकडार(29) होन्नानै मिथिनो मोन्दों। सानैबो फालांगिरिया बडइगाव फारसे थांबाय थानाय समाव पुलिस हान्जाया बिजनी सियालमारिआव हमनो मोनो आरो बेजों लोगोसे फालांगिरिनि आखायनिफ्राइ ड्रग्सजों आबुं गं 15 कन्टेनर बोखानो हायो। बोखानो मोन्नाय ड्रग्सनि लिस्थाइया 21.11 ग्राम। हमजानाय सानैबो फालांगिरिया बिजनी दुरुतिनि होन्ना मिथिनो मोननाय जादों।

एम.सि.एल.ए बिजितगोरा नार्जारिया आइजोफोरनो दख 'ना रान्दों

तामुलपुर, 18 जुन: एम.सि.एल.ए बिजितगोरा नार्जारिया तामुलपुर जिल्ला कलबारि मदाइगामि बाथौ थानसालियाव गामिनि रायजोफोरजों सावरायनायजों लोगोसेनो दख 'ना रान्दों। तामुलपुर जिल्लानि आवथायाव थानाय कलबारि मदाइगामिनि बाथौ थानसालियाव थानाय हरनि समाव 26 नं दारांगाजुलि बिटिसि बियाबनि एम.सि.एल.ए बिजितगोरा



नार्जारिया गामिनि रायजोफोरजों लोगोसेनो जथाइयै सावरायनायजों लोगोसेनो माइनाव हान्जानि सा 30 आइजोफोरनो दख 'ना राननानै होदों। बे हाबाफारियाव गामिनि रायजोफोरजों समाजारि जौगाथाइनि फारसे सावरायनायजों लोगोसेनो अरुण्डय आस 'नि, हानि पाट्टा होनाय, बायदि सोरखारि आस 'निफोरखौ लानानै सावरायनायखौ मिथिनो मोन्दों। बेजों लोगोसेनो बाथौ सिबियारि रायजोफोरनि गेजेराव धोरामनि फारसे अननाय आरो सिबिनायखौ लाखिनो थाखाय खावलायो एम.सि.एल.ए बिजितगोरा नार्जारिया। दारांगाजुलि बियाबनि एम.सि.एल.ए बिजितगोरा नार्जारिनि बेफोरबादि अनुसंथाइ होनाय आरो रायजोफोरनो थुलुंगाखां होनायखौ कलबारि, मदाइगामि आफादनि आफादगिरि राजेश दैमारिआ साबायखर बावो।

टंलाआव सानै सुबुंफोरआ 4 लाख रांनि स 'ना लुथिदों

उदालगुरि, 18 जुन : उदालगुरि जिल्लानि टंला नोगोरनि हस्पताल रडआव दिनै फुं समाव मोनसे गिखंथाव लुथिनाय जाथाय सोमजिदों।



फुंनि 10:00 रिंगासोआव सानै बाइकजों फैनाय सेंग्राफोरआ स 'नानि गहेनाखौ साखोन-सिखोन खालामनायनि थाखाय जाहिद हुसेइननि न 'आव हाबफैनानै गासै 4 लाख रांनि स 'नानि गहेनाफोरखौ लुथिनानै लाडो। बुगिनांनाय नख 'रारिआ फोरमायनाय बायदिल्ला, सानै सेंग्राफोरआ गिबियावनो स 'नानि गहेनाखौ साखोन-सिखोन खालामनायनि बाथ्रा बुंनानै जाहिद हुसेइननि न 'आव हाबफै दोंमोन। सिडाव हाबनायनि उनावनो खाबुखौ लानानै बिसोर सानै सुबुंफोरआ न 'निफ्राय गासै 4 लाख रां बेसेननि स 'नाखौ लुथिनानै खारखोमालाडो। बे जाथायनि उनावनो ओन्सोलनाडै गोखों सोमोनांनाय सोमजिदों। आधिखालाव बुगिनांनाय नख 'रआ टंला पुलिसनो जाथायनि सोमोन्दै गांसे केस थिस 'नो। बे जाथाइआ टंला ओन्सोलनि रेखाथि राहानि सायाव गोखों सोंथि ओंखारदों। जायगानि राइज्यो-राजाफोरआ दायनिगिरिखौ हमनायनि थाखाय पुलिस खुथाइनिमिम दाबि दैखदों।

No.GDBA-88/(SOPD)/NIT/2023-24/ 295

NOTICE INVITING TENDER

Sealed Tender are invited in F-2 Form for the works shown below from the intending Registered Contractor of class-I and class-II (A, B & C) category of Assam PWD (Roads & Building) with affixing Non-refundable court fee of Rs.8.25 (Rupees Eight and paise twenty five) only in a prescribed Form SOPD (Grant No. 56 Normal Budget of BTC) and 15th FC(Grand No. 66) under for the year 2022-23 during 2024-25. The Tender will be received on 10-07-2025 upto 1:00 PM in the Office of the undersigned and will be opened on same day at 1:30 PM in the Office of the undersigned and C.S. will be submitted to the Director, P&RD, BTC, Kokrajhar for approval.

Sl. No	Name of work	Estimated amount	Bid Security	Cost of BID documents (D/D) @ 0.03% (Approx.)	Time of completion
1.	Const. of road with E/F and S/G Singimari LP School to Parimal road Singimari	Rs. 15,00,000/-	Rs.15,000/- @ 1% for ST/SC/OBC & Rs.30,000/- @ 2% for General	Rs.450/-	6(six) Months from the date of issue of work order.
2	Imp. of road with E/F & S/G from NH 31 C to Teka 2km under 15 th FC(Untied Grant)for the year 2024-25	Rs. 16,00,000/-	Rs.16,000/- @ 1% for ST/SC/OBC & Rs.32,000/- @ 2% for General	Rs.480/-	

The Terms and Condition details may be seen at Notice Board in the Office of the Block Development Officer, Gossaigaon Development Block from **18-06-2025 to 10-07-2025** upto 1:00 PM.

Sd/- Block Development Officer,
Gossaigaon Development Block, Gossaigaon.

IPR(BTC)/C/2025-26/940

No.EE(Agri.)/Koj/BTC/SOPD/STW/2025-26/939 Date 17/06/2025

SHORT NOTICE INVITING TENDERS

Sealed tender affixing non-refundable court fee of Rs. 8.25 (Rupees eight and twenty five paise) only are invited in plain papers from Govt. registered contractors of Agriculture Department of Class-I, II & III category, according to their eligibility for submitting tenders for the work stated below. The tender will be accepted up to **3.00P.M. on 25-06-2025** and will be opened on the same date and place at **3.30 P.M.** vide A/A No. **BTC/Agri-13/2025-26/34, dtd. 09/06/2025.**

Sl. No.	Name of works	Value of works (Approx.) (Rs.)	Time of completion of works	Earnest money
1	Installation of shallow tube well with boring under SOPD. 2025-26 in BTR area	34.022.00	30 days	2% (1% in case of S.T/ S.C./ M.O.B.C./ O.B.C.).

Detailed estimated and schedule of rates can be seen in the office during office hours.

Sd/-
Executive Engineer (Agriculture),
Kokrajhar Division, BTC, Kokrajhar

IPR(BTC)/C/2025-26/932

No.UDB/Tender/01/2022-23/

SHORT NOTICE INVITING TENDER

Sealed tender affixing a non- refundable Court fee stamp of Rs. 8.25 (Rupees eight & twenty five paise) only with a validity period of 180 Days which will subsequence to be converted and drawn up in the printed of F- 2 form are invited from the registered contractors of Class-II and Class-I (A, B & C) category of Assam PWD (Road & Building) and BTC according to their eligibility for submitting tenders for the works under SOPD & various schemes under BTR for the year 2023-24 during 2024-25 & other financial years as stated below. The tenders will be received by the undersigned up to 12.00 Noon on 11/07/ 2025 and will be opened on the same date & place at 2.00 P.M.

Sl. No.	Name of work	Tender Amount (In Lakhs)	Cost of Tender Paper	Time of Completion of Work
1	Const. of Sahid Adivasi Bhawan (Udalguri rural) under 15ASFC	14,00,000.00	Rs. 500.00	3 (three) months from the issue of Formal Work Order
2	Const. of drinking water supply at Nonkhe Majuli under 15ASFC	10,00,000.00	Rs. 500.00	3 (three) months from the issue of Formal Work Order

Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 18/06/2025 to 11/07/2025 in the office of the undersigned on payment.

Sd/-
Block Development Officer,
Udalguri Dev. Block, Udalguri

IPR(BTC)/C/2025-26/926

No. DPRD/BTC/(SOPD)Udl-17/2025/13,

PRESS NOTICE (e-Procurement)

The Director, P&RD, BTC, Kokrajhar invites bids for implementation of work "Const. of D. Khoula Memorial Guest House at Udalguri Town" against tender value for an amount not exceeding of Rs. 10,00,00,000.00 (Rupees ten crores) only under SOPD fund for the financial year 2025-26 from the registered contractors of Class-I & Class - II (A,B & C) category of Assam PWD (Roads)/ (Building), BTC.

Details may be seen at website <http://assamtenders.gov.in> and also at the Office of the undersigned during office hours.

Sd/-Director,
Panchayat & Rural Development,
BTC, Kokrajhar

IPR(BTC)/C/2025-26/938

No.DA/BTC/K/Acctt-43/2025-26/244

Tender No. DA/BTC/K/e-Tender/2025-26/16

PRESS NOTICE

The Director of Agriculture, BTC, Kokrajhar invites RFP through e-Tendering process from Company/ Trust/ Society/ etc. for **Creation and Maintenance of Farmer Database** in Bodoland Territorial Region (BTR) in the Financial Year 2025-26.

Details may be seen at www.assamtenders.gov.in and also at the office of the undersigned during office hours.

Sd/-
Director of Agriculture,
BTC, Kokrajhar

IPR(BTC)/C/2025-26/914

माहाम देहानि राहा

ब्लेक कफी लॉनाया थैनायनि खैफोदखौ बाङाय खालामो



जुदि नोंथाङ रंजानायनि थाखायल’ ब्लेक कफी एबा ब्लेक साहा लोडेब्ला सांग्रां जा, कफी लॉनाया गोबां खेब थैनायनि खैफोदखौ बाङाय खालामो। बावैसोनि मोनसे रिपर्टनिफ्राय मिबथिनो मोनोदि, सानफ्रोमबो 1-2 काप ब्लेक कफी लॉनाया थैनायनि खैफोदखौ 14 जौखोन्दोसिम बाङाय खालामनो हागौ। बेबायदिनो सानफ्रोमबो 2-3 काप ब्लेक कफी लोडेब्ला बेयो समनि सिगां थैनायनि खैफोदखौ 17 जौखोन्दोसिम बाङइ खालामनो हागौ। नाथाय जुदि कफी एबा साहायव गायखेर आरो सिनि होफायोब्ला नोंथाङ मुलाम्फा मोन्नाय नङ। बिजिरसंगिरिफोरा मोन्दांदोदि, गोबां सिनि एबा सेचुरेटेद फेट गोनां कफी लॉनाय समाव फिथाइ नुजाया। बे

बिजिरसंनाया जर्नल अफ न्युट्रिशनआव सेबखांजादों। मेरिकानि टफ्ट्स मुलुगसोलोंसाल्लिनि सासे गागि लिर्गिरि आरो बिजिरसंगिरि फांग फांग झांगआ बुंदोंदि, कफीनि मुलाम्फाया बेनि बाय ‘एक्टिभ कम्पाउन्डफोरनि थाखाय। बबेखानि कफीआव सिनि होदेरनाय एबा फेट बाहायनाया बेनि मुलाम्फाखौ बाङाय खालामनो हागौ। बिजिरसंगिरिफोरा 1999 मायथाइनिफ्राय 2018 मायथाइसिम हायुआरि सावस्त्रि आरो आदार आनजाद (एनएचएएनइएस) नि मोनगु फारिफोरखौ बिजिरदों, जाय हायुआरि थैनाय खारिजों सोमोन्दो दं। बिथांमोनहा 20 बोसोर आरो बेनि बांसिन बैसोनि सा 46,000 नि बांसिन सुबुंफोरनि फिनजाथायफोरखौ

आन्जाद नायदों। बे बिजिरसंनायनि थांखिया कफीनि रोखोम, कफीनि बिबां, सिनि आरो सेचुरेटेद फेट नि गोहोमफोरखौ फरायसंनाय गुबुन-गुबुन रोखोमै जानाय कफीनि मुलाम्फाफोरखौ संदान्नाय। बेयाव बै सुबुंफोरबो दंमोन, जाय केन्सार, बिखानि बेराम एबा गुबुन जाहोनफोरजों थेंदोंमोन। बिजिरसंनाय बादिब्ला, जायफोरा एसेल’ बिबांनि सिनि आरो सेचुरेटेद फेटजों ब्लेक कफी लोडे, बिसोरनि रुजुनायाव जायफोरा कफी लोङ बिसोरनि रुजुनायाव गासैबो जाहोननि थैनायनि खैफोदआ 14 जौखोन्दो बाङइ। बेनि अनगायैबो 2-3 काप ब्लेक कफी लॉनाया जायखिजाया जाहोननिफ्राय थैनायनि खैफोदखौ 17 जौखोन्दोसिम बाङाय खालामनो हागौ। नाथाय बांसिन साहा एबा कफी लॉनाया जेबो ओंथिगोनां फाराग लाबोआ। कफी आरो ब्लेक साहाया बिखानि बेरामनि खैफोदखौ बाङाय खालामो।

सिकन्दर सावथुनआ अनलाइन लीक जानायनि जाहोनाव माखासे जेंनाजों मोगा-मोणि जानांदों



सलमान खाननि गोदान सावथुन सिकन्दरआ रिलीजजों लोगोसेनो खौराङव थादों, नाथाय बे खेबआव जाहोनआ मोजां नङ। मेकारफोरा दा बे खहा जानायखौ सुफुंनो थाखाय इन्सुरेन्स क्लेम खालामनायनि थियायिआव दङ। सलमान खाननि सिकन्दर सावथुनआ रिलीजनि माखासे घन्टा उनाव पायरेसिनि मैदुर

जानांदों। 12 जुन 2025 आव थिएटरफोरव रिलीज जानाय बे सावथुननि पायरेटेड भार्जनआ अनलाइन लीक जादों, जेराव डिलिटेट सीन, र’ स्कर आरो अल्टरनेट मेथायाबो दंफायो। मुंदांखा अडिट फर्म इवाइनि बादिब्ला, बे लीक दानायनिफ्राय सावथुनआ 91 कौटि रं खहा जादों। बेखौ बलिउडआव पायरेसिजों जानाय

दासिमनि देरसिन खहा जानाय होन्नानै मिथिहोदों। सावथुननि प्रडिउसारफोर, नाडियाडवाला ग्रेन्डसन एन्टारटेनमेन्ट प्राइभेट लिमिटेडआ बे खहा जानायखौ सुफुंनो थाखाय इन्सुरेन्स क्लेम खालामनो थांखि लादों। बेयो बलिउडआव पायरेसिजों लोब्बा थानाय देरसिन इन्सुरेन्स क्लेम जानो हागौ। मेकारफोरनि बादिब्ला, लीकआ सावथुननि

मेसन थेम्सनि ‘हाउ टु ट्रेन इउआर ड्रागन’ सावथुनआ रिलिजनि सानब्रैआव मोजां रं आरजिनो हाबाय

अभतार, एभेन्जार्स, स्पाइडार मेन जों लोगोसे आरोबाव माखासे हलिउड सावथुननि फ्रेन्चाइजि दङ, जायनि मुङा हादतनाडैनो बांसिन रं आरजिनो हानाय सावथुनफोरनि गेजेराव दंफायो। आथिखालाव बे फारिलाइयाव मोनसेबाव सावथुननि मुङ सरजाबजादों। मोनसे औरैबादि सावथुन जाय रिलिज जानाय लोगो लोगोनो बक्स अफिसआव दोहौ सोमजिहोदों। जों जाय सावथुननि बाश्ना सावरायगासिनो दङ, बेयो जादों ‘हाउ टु ट्रेन इउआर ड्रागन’, जायनि डायरेक्सनखौ डिन डेब्लाइसआ खालामदों। डिमवार्क्स एनिमेसननि बेनारआव बानाय जानाय बे सावथुननि लिर्गिरिनि बिबानखौबो डिनआनो सामलायदों। बिथांनि लिर्नाय आरो बिथोन होनायनि फिथाइखौ आथिखालाव बक्स अफिसआव



नुनो मोनगासिनो दङ। मेसन थेम्सनि ‘हाउ टु ट्रेन इउआर ड्रागन’ सावथुनआ 13 जुनआव रिलिज जादों। बेयो मोनसे लाइभ एक्सन-फेन्टासि सावथुन। रं आरजिनायनि बिथिङाव बे सावथुनआ जारिमिन सोरजिदों। सेकनिल्कनि बादिब्ला सानब्रैयाव बे सावथुना हादतनाडै 1710 कौटि रं आरजिबाय। जायखि जाया सावथुननि थाखाय सानब्रैयाव रं आरजिनाया बे अन्जिमासिम सौहैनो हानाया गिदिर

जाफुंसारनाय बुंजायो, जाय गोखैथिजों सावथुनआ बक्स अफिस आवाव आवगायलांगसिनो दङ। बेखौ नोजोर होनानै हमदांनो हायोदि, सावथुना इयुनाव माखासे गिदिर रेकर्डआव गावनि जायगा आवग्रिगोन। बे सावथुना बे मुंजोंनो 2010 आव नुजाथिनाय मोनसे सावथुननि रिमेक, जायखौ क्रिस सेन्डर्सआ डिन डेब्लाइसजों लोगो नानानै बिथोन होदोंमोन। बे सावथुनाबो मोजां पारफर्म

हलिउडनि देंखोगिरि एड शिरनआ शाहरुख खाननि ‘किं’ सावथुनआव मेथाइ रोजाबगोन

प’प सिंगार एड शिरनआ फिन खनसेबाव भारतीय अन्सायगिरिफोरखौ गोमोहोनो थाखाय थियारि। बल खेबाव बिथाङ औरैबादि बाश्ना फोरमायदोंदि, जायजों शाहरुख खान आरो बलिउडनि अन्सायगिरिफोरनि खुसिया सिमा गैयै जादों। नाथाय बिब्दिया थारैनो जागोन ना जाया आथिखालाव जेबो बुंनो हाया। मुंदांखा ब्रिटिश देंखोगिरिया बावैसो सिगां सशेल मिडियाआव खौरां होदोंदि, बिथाङ किं खान एबा शाहरुख खाननि फैनो गोनां सावथुन ‘किं’ नि थाखाय दोंसे हिन्दी मेथाइ रेकर्ड खालामदों। जर’खा बाश्नाया बेनोदि बे सावथुनाव शाहरुख खानजों लोगोसे बिथांनि फिसाजो शुहाना खानआबो नुजाथिगोन। गिबियावनो भारतआव गावनि कन्सर्ट आरो भारतखौ मोजां मोन्नायनि थाखाय खौराङाव थानाय एड शिरनआ बे केबाव इन्स्टाग्रामाव मोनसे कमेन्टनि गेजेरजों मिबथि होदोंदि, बिथाङ दोंसे हिन्दी मेथाइ रेकर्ड खालामदों। बिथाङ बुंदोंदि, बे मेथाइया शाहरुख खाननि सावथुननि बाहागो आरो बे



मेथाइया पान्जाबी भार्जनआव ‘सेफायर’ मुंनि मेथाइयाव बिथा खालामनाय, जेराव आर्जित सिंहआबो दङ। बे खौरांखौ खोनाय लोगो लोगोनो सशेल

मिडियाआव अन्सायगिरिफोरनि एक्साइटमेन्टआ नैगुन बारा जादों। बावैसो सिगां सानैबो देंखोगिरिखौ भारतआव जयै बेरायनाय नुनो मोन्दोंमोन,

जायनि उननिफ्रायनो हमदांना लादोंमोनदि, सानैजों बबेबा मोनसे जर’खा मिउजिक प्रजेक्टआव खामानि मावगासिनो दङ जानांगौ।

चेभलरी लारटांआ मिस इउनिभार्स मेघालय 2025 नि बिमुं देरहादों

चेभलरी लारटांआ मिस इउनिभार्स मेघालय 2025 नि बिमुं देरहादों, जायजों बिथाङ फैगौ मिस इउनिभार्स इन्डिया बादायलायनायाव मेघालयनि जानानै दैदेनलानो खाबु मोन्दों। बिथांनि देरहासारनाया राज्ज्योनि माहारियायि समाइना आरो मुसुखा जौसांफोराव राज्ज्योनि बांलानाय नुथाया मोनसे मख’जाथाव माइल खुन्थिया। राज्ज्यो थाखोनि बादायलायनाया शिलंआव जादों, जेराव मेघालयनि गुबुन गुबुन ओन्सोलफोरनिफ्राय बादायारिफोरा बाहागो लादों। बे गोजौ थाखोनि हाबाफारिखौ बिजिरनाया माहारियायि



बादायलायनायाव मुंदांखा जादोंमोन, जेराव आमन्जाद खानआ मिस इउनिभार्स इन्डियायि फ्रेन्चाइजि दिथागिरि, आक्सा, भर्गिज, मिस इउनिभार्स केरेला 2024 आरो आइरिन डखार, मिस टुरिज्म इन्डियाआबो दंफायोमोन। चेभलरी, जायखौ गिबियाव मिस

मेघालय 2024 आव गिबि रानार-आपनि मुं होनाय जादोंमोन। बिथाङा बे बोसोराव गावनि सायाव फोथायनाय लाखिनानै जौसाङव दिन्थिफुंनाय आरो सोंथि सोंनायाव रोखायै फिन्नाय होनायजों लोगोसे मुकुटखौ देरहादों। बिथांनि दिन्थिफुंनायखौ

मुंदाखा प्रडिउसार साजिद नाडियाडवालानि फिसाज्ला सुभान नाडियाडवालाआ थाबैनो सावथुन मुलुगाव आगान होसिगोन

बलिउडनि मुंदांखा प्रडिउसार साजिद नाडियाडवालानि फिसाज्ला सुभान नाडियाडवालाआ थाबैनो सावथुन मुलुगाव आगान होसिगोन। बनि डेब्यु सावथुननि सुटिंखौ जागायबाय आरो बे प्रजेक्टआ मोनसे जर’खा कानेक्सन दङ। रिपर्टनि बादिब्ला, बे सावथुना 90 जौथायनि मुंदांखा फावबुंग्रिजों लोब्बा दङ। साजिद नाडियाडवालानि फिसाज्ला सुभान नाडियाडवालाआ गावनि गिबि सावथुनजों लोगोसे डेब्यु खालामगोन। बे सावथुननि मुङा दासिमबो सोराङव फैयाखै, नाथाय बेयो मोनसे रमान्टिक ड्रामा सावथुन, जायनि सुटिंआ जागायबाय। सुभानआ बे प्रजेक्टखौ गावनि प्रडाक्सन हाउस, नाडियाडवाला ग्रेन्डसन



एन्टारटेनमेन्ट (एनजिइ) नि गेजेरजों बानायदों। सावथुनाव गोदान टेलेन्टफोरखौ खाबु होनाय जादों आरो बेनि मिउजिकआबो जर’खा जागोन। मिड-डे रिपर्टनि बादिब्ला, सुभाननि बे सावथुनखौ 1997 आव रिलिज जानाय सावथुन ‘एसी दीवानगी देखी नहीं कहीं’ निफ्राय बिथा

खालामनाय जादों, जेराव दिब्या भारती आरो जितेन्द्रआ गाहाइ फावआव दङमोन। बे सावथुना बै समाव बक्स अफिसआव मोजां अन्सायनाय मोन्दोंमोन। सुभाननि सावथुनआ बे सल’खौ गोदान महाराव दिन्थिगोन, जेराव 90 जौथायनि रमान्टिक वाइब्सखौ आथिखालजों लोगोसे

अदेबानि आथिखालाव बेयो रोखा जायोदि, बिसोरो शाहरुखनि सावथुननि थाखाय मेथाइ रोजाबदों। शाहरुख खाननि ‘किं’ सावथुनआ सिगांनिफ्रायनो मोनसे मेगा बाजेट आरो गिदिर थाखोआव बानाय जानो नागिरनाय सावथुन। बेखौ सिद्धार्थ आनन्दआ बिथोन होगोन, जाय बेनि सिगां ‘पाठान’ बायदि ब्लकबास्टर सावथुन होखांबाय। सावथुनाव सुहानानि अनगायै दिपीका पादुकण, अभिषेक बच्चन, रानी मुखर्जि, अनिल कापूर, अर्जुन वासि, जेखि श्रफ आरो राघव जुयाल बायदि फावगिरिफोरा गाहाइ फावआव नुजाथिगोन।

बिजिरगिरिफोरा बयनिखुइबो साबसिन मोन्दों। बेनिखायनो बिथांखौ सासे जर’खा बादायारि महैरे सायख’यो। बिथाङ आथिखालाव भारतनि मिस इउनिभार्स 2025 नि थियारि जानो थाखाय दिल्ली फारसे दावबायगोन। जेब्ला बियो माहारियायि जौसाङाव बादायलायनो साखा-फारा जागासिनो अब्ला चायभिल्ली मेगालय आरो सा-सान्जा सुबुं समाजनि हास्थायनायफोरखौ लोगोआव लाफानानै थांगोन। हाबाफारि खुंगिरिफोरा बिथांनि सायख’नायखौ ओन्सोलनि जाखांफुनाय रोंगौथि आरो थांखिनि फोरमान होन्ना मिबथि होदों।

फावखुंगुर टम क्रुजआ आस्कार बान्थानि थाखाय सायख’जादों

मुंदांखा हलिउडनि फावखुंगुर टम क्रुजआ गमामायैनो अस्कार बान्था मोनसिगोन। बेनि अनगायैबो अस्कार बान्था मोन्नो हानायनि फारिलाइयाव डलि पार्टन, डेबि एलेन आरो न्यान थमासआबो दंफायो। हलिउड सावथुन एकाडेमिआ मंगलबारखालि मिबथि होयोदि, एक्सन फिल्म स्टार टम क्रुज आरो सिंगार-फावखुंग्रि डलि पार्टनआ फावगिरिफोरनि गेजेराव दंफायो, जायखौ बे सोलिफु



बोसोराव लाइफटाइम एचिभमेन्टनि अस्कार बान्थानि थाखाय सायख’नाय जादों। टम क्रुजआ अस्कार बान्थायाव गिबि नमिनेशनखौ 25 बोसोर सिगां मोन्दोंमोन।

आथिखालाव बिथांखौ अनशरि बान्थाजों मान बाउनाय जागोन। फिल्म एकाडेमिआ मंगलबारखालि मिबथि होयोदि, टम क्रुज, करिय ग्राफार डेबि एलन आरो डु दा

राइटथिनि प्रडाक्सन डिजाइनार व्यान थामसखौ अनरेरि अस्कार बान्थानि थाखाय सायख’नाय जादों। डेलि पार्टनो एजुकेशन आरो सशेल वार्क खालामनायनि थाखाय जिन हर्शल्ट ह्युमेनिटेरियान बान्था होनाय जागोन। एकाडेमिनि आफादगिरि जेनेट यांआ बुडोदि, बे बोसोरनि गभर्नर्स एवार्डसआव साब्रै गेदेर सुबुंफोरखौ मान बाउनाय जागोन। बे बान्थाखौ 16 नभेम्बरखालि लस एन्जिल्सनि रे डाल्वि बलरुमआव मोनसे

जर’खा फांक्सननि समाव होनाय जागोन। 62 बोसोर बैसोनि टम क्रुजआ गावनि एक्टिं केरियारआव माखासे हलिउड सावथुनफोर खालामदों। नाथाय बिथांनि बांसिन खौरांआव थानाय सावथुनानो जादों ‘मिशन इम्पसिबल’। बावैसो सिगां टम क्रुजनि सावथुन ‘मिशन इम्पसिबल 8’ आ रिलिज जादों। बे सावथुनखौ हादतनाडैनो अन्साइजादों। भारतआवबो बे सावथुनआ मोजां रं आरजिनो हादों।

आसामनि बक्सिं हान्जानिफ्राय आन्डार-17 नेसनेलआव अन्सायगिरिफोरा मिजिंथ लादों

गुवाहाटी, 18 जुन: आसामनि बक्सिं हान्जाआ थानाय साननैन सिगांनो आन्डार-17 नेसनेल जुनियर बक्सिं सेम्पियनसिपनि थाखाय रहतकसिम हान्थिनायखौ जागायदों। जेराव बे इभेन्टआ 18 जुननिफ्राय रहतक आव जागायबाय। आसामनिफ्राय हान्थिनाय हान्जायाव रोंगथि गोनां गेलेगिरिफोरखौ जायगा होदों। जाउनाव राइज्योनि अन्सायगिरिफोरा बिसोरनिफ्राय जर'खा दिन्थिफुंगोननि मिजिंथि लादों। आसामनि हान्थिनाय हौवासाफोरनि फारिआव प्रिन्स गवाला, लक्ष्यजित शुतिया, जेवेल बर', बयान आहमेद, जयान बर', किशरजित कुमार, आयुष्मान गगै, आरमान खान,



अमृत लामा, देबां अपुर्बा दास, आशिष मुखियाट आरो समीर बरुवाआ जायगा मोन्दों। हिन्जावसाफोरनि फारिआव मनिका दले, गिताली पेगु, अन्जुवारा सुल्ताना, सुनेना आमीन, नमिता सिंह, तारासा पेगु, फुबिलि बसुमतारि, दरति शङ्किया, केत्रिन मोसाहारि आरो

जयश्री डेकाआ जायगा मोन्दों। आसामनि हान्थिनाय बे फारिआव गाहाइ कच प्रनमिका बरा, त्रिदिप बराजों लोगोसे ऋजुमनी पाटक, प्रान्जित दत्त आरो नबजित बसुमतारिआ थांफादों। जेराव मन्तु एकजालआ मेनेजार महरै हान्जाजों दावबायदों।



बाहागो लादों। 21 जुनखालि भारतआ किर्गिस रिपब्लिकजों गावसोरनि दावबायनाय मेचखौ गेलेगोन। मुशाआ हान्जानि बादायनो थाखाय

बेनि सिगां थानाय बोसोराव खेबनै लोगोयारि मेचनि थाखाय बिथाङ मालएसियानि कवालालाम्पुरनि दावबायदों। ब्लुकल्टनि गेलेगिरिफोरनि बे लोगोयारि मेचआ एएफसि आन्डार-23 एसियान काप 2026 क्वालिफायरनि थियारि जानायाव हेफाजाब खालामगोन। जेराव बे क्वालिफायरआ फैगौ सेप्टेम्बर दानआव खुंजागोन। जायनि फारिआव भारतआ बहरिन, काठार आरो बुनेदारुसालेमजों मोजाडै गेलैनानै आन्डार-23 कन्तिनेन्टल इभेन्टनि थाखाय क्वालिफाइ जानो नाजागोन।

एलाइट टेनिस केम्पखौ जयदीप मुखार्जी एकाडेमिआ सांग्रांथियै बान्जायनो थियारि जादों



गुवाहाटी, 18 जुन: जयदीप मुखार्जी टेनिस एकाडेमिआ गुवाहाटीआव जुनियर एलाइट टेनिस केम्पखौ बान्जायनो थाखाय फारफ्रोमथिबो थियारि जादों। जेराव बेनि गेजेरजों राइज्योनाडै गोदान आदोब आरो प्रफेसनेल ट्रेनि होनायनि थिरंथा लादों। बेनि गेजेरजों राइज्योनि

टेनिस गेलेगिरिफोर गुबुन गुबुन थासारिआव दिन्थिफुंनयनि आदोब मोनगोन। 21 जुलाइनफ्राय सप्ताहसेहालागै एनइटिएफ कर्टआव खुंजानो गोनां बे बादायाव आन्डार-16 बैसोयारि ग्रुपजों लोगोआव सा 17 गेलेगिरिफोरा बाहागो जागोन। जायनि फारिआव

थाखोमाना थानाय गेलेगिरिफोरखौ बेनि गेजेरजों मोखाडव लाबोनायनि थिरंथा लादों होन्ना फोरमायो। बे बादाखौ एसियान आरो कननवेल्थ गेम्सनि गल्ड मेडेलिस्ट समदेब देबभर्माजों लोगोसे डेभिच कापनि बारग' स्टर आरो रोंगथि गोनां गेलेगिरि प्रजनेश गुनेचरनआबो दैदेनगोन। बे थियारिआव जर'खायै गेलेगिरिफोरनि सान्नाय, दिन्थिफुंनय आदोबआव बुजि मोन्नाय आरो सुफुंसार आदारनि सायाव गोनांथि होगोन। खौरंगिरि मेलआव एकाडेमिनि दैदेनगिरिजों लोगोसे डिरेक्टर सर्मित मुखार्जी, मार्केटि डिरेक्टर रुपेन्डर सिंह आरो माखासे राइज्योनि सायख'जानाय गेलेगिरिफोर बाहागो लादों।

आइएसएसएफ वर्ल्ड कापआव भारतनि शुटारफोरा गंनैयै सना आरो ब्रन्जजों हादरसिम गिर्दिंबोदों

गोदान दिल्ली, 18 जुन: भारतनि पिस्टल आरो राइफल शुटारफोरा बावैसो जोबलांनय आइएसएसएफ वर्ल्ड काप 2025 आव गंनैयै सना आरो ब्रन्ज मेडेल देरहादों। मिडनिखआव खुंजानाय बे इभेन्टआव भारतआ अभासरल पइन्टनि फारिआव थामथिआव थादों। जेराव चीन आरो नर्वेआ भारतनि गिबिआव थानो हादों। भारतनि जानानै बे इभेन्टआव खेबनै अलिम्पिकआव बाहागो लानाय इला बेनिलआ



आइजोफोरनि 10 मिटार एयार राइफल केटेगरिआव ब्रन्ज मेडेल देरहादों। जेराव बिथाडा

फाइनालआव 231.2 पइन्ट आर्जिदों। बिथांजों लोगोसे शिब कौर सामराआ आइजोफोरनि 50 मिटार राइफल थ्रि पजिसन इभेन्टआव गुबुन गंसे ब्रन्जखौ लाबोदों। भारतनि जानानै गिबि सनानि मेडेलखौ लाइमोन गेलेगिरि सुरुसि सिंहआ 10 मिटार एयार पिस्टल इभेन्टआव देरहानो हादों। मिडनिखआव जालानाय बे इभेन्टआव बिथाडा मोजाडै दिन्थिफुंनो।

बिथांनि रेटिंआ 888 आव थाहैदों। बेनि उनाव नैथि मासिआवबो इलेन्डनि हेरि ब्रुकआ 873 रेटिंजों जायगा मोन्दों। बे फारिआव निउजिलेन्डनि के न उइलियाम्सआ 867 रेटिंजों थामथिआव थादों। भारतनि यशस्वी जयसवालआ 847 रेटिंजों ब्रैथिआव आरो

अलिम्पिक 2036 नि सायाव गेलेमु मन्थिआ खुगा बेखेवदों



गोदान दिल्ली, 18 जुन: स्टेट फर स्पोर्ट्स एन्ड डिफेन्स बिफाननि मन्थि खडसेआ 2036 आव खुंजानो गोनां अलिम्पिक गेम्सखौ बान्जायनो थाखाय भारतनि फारफ्रोमथिबो नाजानायखौ फोरमायो। जेराव

बेनि थाखाय भारतआ हारिमायारि थाखोआव इसारा हरनायनि अनगायैबो हारिमायारि थाखोआव गासैबो जेनाखोनो मावफुंनो थियारि होन्ना फोरमायदों। जेराव बे गेम्सनि गेजेरजों लाइमोनफोरनि

थुलुंगानि अनगायै समाजयारि बिथिडवबो गोबां मिजिंथिदों। महारास्ट्रनि राधेर बियाबनिफ्राय खेबथाम लक सभानि एमपि जानो हानाय 38 बोसोरनि खडसेआ खौरंगिरिनि मोगा-मोगिआव गावसोरनि फारफ्रोमथिबो थियारि जानायखौ फोरमायनानै 2036 नि अलिम्पिक एबा कमवेल्थ गेम्स 2030 बायदिखौ बान्जायनो गावसोरनि थियारि जानायखौ फोरमायो। जेराव बेनिफ्राय गेलेगिरिफोरनि मुलाम्फानि अनगायै हादरनि जौगानायबो गोबां मुलाम्फा मोनगोनखौ

भारतनि आइजो हकी हान्जाआ आर्जेन्टिनाजों जेन्नांदों

गोदान दिल्ली, 18 जुन: भारतनि आइजो हकी हान्जाआ ली भेली हकी एन्ड टेनिस सेन्टारआव जालानाय एफआइएस हकी प्र: लीग 2024-25 नि मेचआव

आर्जेन्टिनानि हेंथायै 1-4 गलनि फारागआव जेन्नांदों। भारतनि जानानै दिपिकानि 30 मिनटआव गोर्खों ड्रेक प्लिकआ हान्जानि गेजेराव मिजिंथि लाबोदोंमोनब्लाबो बिथाडा

हान्जानिफ्राय गुबुन गेलेगिरिनि मदद मोनाखै। बेराफार्से आर्जेन्टिनानि जानानै बे समाव आगस्टिना गरजेलेनीआ गरथाम गल सोदों। बे मेचआव गिबि क्वार्टारआव मोनबो गल



सोज्लायाखैब्लाबो उनि समाव भारतनि हान्जाया डिफेन्सखौ सामलायनायाव फारियै फेलें जादों। नैथि क्वार्टरनि गिबिआव आर्जेन्टिनाआ फेनाल्टिनि गेजेरजों आवगायजेननो खाबु मोन्दों। जेराव 29 मिनटआव बे हान्जानि जानानै पालास्कआ गिबि गल सोनानै हान्जाखौ मोजां ट्रेकआव लाबोदों। बेनि उनाव भारतआ समान स्कर्नि थाखाय गोब्राब सेलेन्ज होफिन्दों। अब्लाबो बेरेखा हान्जाआ जोबनायसिमआव गावसोरनि गोर्खों डिफेन्सखौ हमथानानै भारतनि गेलेगिरिफोरखौ जिगायाव खोखैनो हादों।